



Inatsisartuni ilaasortaq Hans Enoksen, Partii Naleraq
/Maani

**16. oktober 2019-imi nalunaaquttap akunnerani apeqqarissaarfiusumi
apeqqutinut allakkatigut akissut**

24-10-2019
Suliaq nr.: 2019 - 22791
Id nr. 45970437

Asasara Hans Enoksen

16. oktober 2019-imi nalunaaquttap akunnerani apeqqarissaarfiusumi arlalinnik apeqquteqaateqarputit, taakkulu matumuuna matuma kingorna allakkatigut akissuteqarfigissavakka. Apeqqutit ataasiakkaarlugit allanneqarput, akissutitaannik malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqqut 1. Oqarputit isertuussamik isumaqatigiissuteqartoqarnersoq
aperineqaravit "aap" akissutigisoorsimallugu, "naagga"
akissutigisussaagaluarlugu. Tamanna sumik peqquteqarpa?**

Akissut: Siusinnerusukkut erseqqissaatigeriikkattut tunngaviusunut isumaqatigiissutit saniatigut allanik isumaqatigiissuteqartoqarsimangilaq. Akerlianik Illersornissaqarfiup mittarfimmut akisussaasuulernissaa pillugu Naalakkersuisut aamma Illersornissamut ministerip akornanni ataatsimut paaseqatiginnissummik peqarpoq. Immikkoortut arlallit inissinneqartussaapput isumaqatigiissutigineqartussaallutillu, suliallu ukiumik ataatsimik sivilisunerumilluunniit sivilisussuseqarnissaa naatsorsuutigineqarpoq.

**Apeqqut 2. Naalakkersuisut Mittarfeqarfinni akinut akiliisarnermullu
malittarisassanik allannguisoqarnissaa aalajangiiffigereeraat sooq partiit allat
isumaqatiginninniarfiginiarpigit?**

Akissut: Tunngaviusumik Naalakkersuisut inatsisinik tunngaveqarlutik aalajangiipput. Aalajangiineq taanna Mittarfeqarfinnit tusaatissatut tiguneqarpoq, aammalu suliaqarfiup suliaqartut piffissaalluarallartillugu nalunaarfigineqarput, taamaalillutik 2020-mi bilitsinut tuniniaanissamut piareersarsinnaalerlutik. Partiinit oqaloqatigiinnissaq kissaatigineqarpat, soorunami Naalakkersuisut tusarnaarusupput – isornartorsiunernut politikikkut kissaatinut suleqatigiilluarnissamullu tusaanngitsuusaanngilagut. Taamaattorli nutaanik allannguinissamut piffissaq naalermat tamanna inassutigineqarsinnaanngilaq. Tunngaviusumik angallassinernik suliaqartut allannguutit atuutilinnginnerini kingusinnerpaamik qaammatit pingasut sioqqullugit, ajornanngippallu siusinnerujussuakkut nalunaarfigineqartussaapput.

Matumani erseqqissassallugu pingaaruteqarpoq, silaannakkut angallassinernik suliaqartut sivikitsumik piffissaqartitsilluni allannguinernut malussajasuummata, ilaatigut angallavinni ineriartortitsinermi aningaasaqarneq, taannalu aallaavigalugu atortunut aningaasaliinissaq atortunillu nalikilliliinissaq piumasaqaatinut sinaakkusiussat ukiuni arlalinni patajaatsuusimappata eqaallisarneqartarmat. Taamaattumik piumasaqaatinut sinaakkusiussanik allannguinissat peqqissaartumik isumaliutigineqartariaqarput piffissaalluarallartillugulu saqqummiunneqartariaqarlutik. Naalakkersuisut suliaqartunut

akinut akiliisarnermullu malittarisassanut nutaanut sivisuumik piareersarnissamut periarfissiinerisigut tamanna naammassineqarpoq.

Apeqquut 3. Kaperlalerpat Uummannami, Upernavimmi Qaanaamilu timmisartuussinermi qanoq iliorniarpuq?

Akissut: Air Greenland A/S-ip Kalaallit Nunaata avannaani ilaasunik angallassinermi suliassai naammassisinnaassagaat Naalakkersuisunit ilimagineqarluinnarpoq – aamma kaperlalernerani. Air Greenland A/S angallannerup ingerlanneqarnera pillugu ingerlaavartumik Ineqarnermut Attaveqaqatigiinnermullu Naalakkersuisoqarfimmut nalunaarusiortarpoq.

Naalakkersuisut kiffartuussinermut isumaqatigiissutinik pitsannguissamut aningaasanik atuinissamik kissaateqarnerannut atatillugu makku misissuiffigineqarput: Maannarpiaq Upernavimmi qulimiguullit pisinnaasaasa ilanissaat periarfissaqanngilaq, tamatumunngalu ilaatigut hangarit amigarnerat peqqutaavoq.

Decembari 2018-imi piffissap ilaani Upernavimmi qulimiguulinnut inuttat ilaneqarput. Inuttat ilaneqarneranni ulluni piffissaq eqqorlugu angalasinnaanngiffinni inuttat aalajangersimasut qasuersaarfissaanni, kisiannili qaamaneq peqqutigalugu timmisartorsinnaaffiusuni kinguaattoorutit anguneqarput.

Qaamaneq peqqutaalluni ukiumiit ukiumut pissutsit assigiinngitsuusarmata, aamma inuttat ilaneqarnissaannut inassuteqaatit ukiumiit ukiumut assigiinngitsuussapput. 2019-imi Air Greenland A/S naliliivoq, inuttat ilaneqarnissaat siunertamut iluaqutaasinnaanngitsoq.

Inussiarnersumik inuulluaqqusillunga


Karl Frederik Danielsen